



Oslobađanje od testiranja

Nacionalni program ocjenjivanja – Pismenost i matematika (NAPLAN) je program ocjenjivanja učenika 3., 5., 7. i 9. razreda, koji testira znanje i sposobnosti iz pismenosti i matematike.

Rezultati testiranja daju učenicima, roditeljima, nastavnicima i direktorima škola informacije o uspjehu učenika koje se mogu koristiti kao pomoć za nastavu i učenje.

Molimo pogledajte brošuru Informacije za roditelje (Parent Information Pamphlet) na www.vcaa.vic.edu.au za više informacija o NAPLAN-u.

U određenim okolnostima učenicima se može odobriti oslobađanje od NAPLAN testova. Direktor škole može odobriti oslobađanje samo:

- **učenicima sa intelektualnom nesposobnošću.**

Učenici koji imaju znatnu intelektualnu nesposobnost, takvu da ne mogu raditi u situacijama kada se ocjenjuje, mogu biti oslobođeni testiranja. Ovo se odnosi na učenike koji nisu u stanju da slijede čak ni uopštene instrukcije za ocjenjivanje. Međutim, učenici ne mogu biti oslobođeni samo zato što slabo uče ili imaju probleme sa disciplinom. Učenici kojima se mogu obezbijediti potrebni specijalni uslovi, treba da budu ocijenjeni. Za više informacija u vezi obezbjeđenja specijalnih uslova, molimo porazgovarajte u školi.

- **učenicima koji uče engleski manje od godinu dana.**

Učenici koji su, prije manje od godinu dana prije održavanja testa, došli iz zemalja u kojima se ne govori engleski, mogu biti oslobođeni od testiranja.

Učenici mogu biti oslobođeni od jednog ili više testova.

Učenici kojima je odobreno oslobađanje od bilo kojeg NAPLAN testa, biti će klasifikovani kao da su ostvarili rezultat ispod minimalnog nacionalnog standarda u svrhu izvještavanja.

Učenike koji ne učestvuju u NAPLAN testiranju iz nekih drugih razloga osim gore pomenutih, NE TREBA evidentirati kao oslobođene od testiranja.

Formular o evidenciji za oslobađanje mora biti popunjen za svakog oslobođenog učenika, te potpisan od strane direktora škole i roditelja ili staratelja.

Učenici oslobođeni od testiranja i odsutni na dan testiranja, biće prijavljeni kao **oslobođeni** učenici a ne kao **odsutni** učenici.